

/ Admodum R^{de} et eruditissime Domine. Literas tuas mense Au-
 gusto datas accepi hac ipsa die, quae est sexta decembris. Gratis-
 simum fuit in memoriam revocare amicum suavissimum, et virum modes-
 tissimum. De libello ad me misso gratias ago, sed scias velim, bi-
 5 blia vulgata non esse a nobis accuratissime castigata: multa enim
 de industria iustis de causis pertransivimus, quae correctione in-
 digere videbantur. Variarum lectionum, quae in bibliis Lovaniensibus
 habentur, et in quas tu librum utilissimum scripsisti, mihi vide-
 bantur omnino addendae, quippe quae instar bibliothecae mihi esse
 10 videntur; sed non placuit aliis ut in prima editione apponerentur.
 Quod attinet ad illa verba, **De trina Deitas**, quae in breviario nu-
 per correcto emendari cupivisses, eadem erat mea sententia, et iam
 ego monueram, ut pro trina Deitas, summa Deitas, restitueretur;
 sed religioni fuit Patribus verba sancti Thomae, quae habentur in
 15 2^o tomo opusculorum, in officio de festo Corporis Christi, vel mi-
 nimum immutare; qua etiam de causa hymnos sancti Gregorii, vel a-
 liorum Patrum intactos dimisimus, cum alioqui multi errores unius
 syllabae, vel literae mutatione aliquando corrigi potuissent. Id
 unum propositum nobis fuit, ut errores solum intolerabiles, prae-
 20 sertim qui in historiis lectionum secundi nocturni irrepserant,
 tolleremus. Vale sacerdos doctissime, et optime, et me in hac vinea
 Capuana laborantem orationibus tuis iuva. Datum Capuae die sexta
 decembris 1603.

[F. B. 5, f.117. Minute autogr. F. B. 9, Ep.43, Copie. Anvers,
 25 Musée plantin, Ontvangen Brieven LXXXVII, f.335, copie; publiée
 par M.le Chan.de Schrevel: Documents pour servir à la biographie
de François Lucas, lettre 44, p.63-64.]